

Church of Rootsheere



SCHYYNTHEOLOGY

PRO UND CONTRA SCIENTOLOOGE
KIRCHE, SEKTE - WAAS ISCH GLOOGE?
GOOTS UM HIRNWESCH MUESS ME SAAGE
KUNNT DO SEKTE MEE ZEM DRAAGE

BISCH DERBY, WOTSCH WIIDER GO
WIIRSCH DR UNDERSCHIID VERSTOO
SOO DIE WYT VERBRAITET MAINIG
SIN SICH NYT NUR D’KIRCHE AINIG

GITS DOCH DUBIOSI GSCHICHTE
WO EX-TOLOOGE WÄLTWYT BRICHTE
WOTSCH DI VO DÄM GLAUBE TRENNE
LEERSCH DR AIGE GHAIMDIENSCHT KENNE

DAAS UND ANDERS HEERT ME MUNGGL
WIE’S WIRGGLIG ISCH, S’BLYBT VYYL IM DUNGGL

S’ERFOLGSREZÄPT HAISST MARKETING
SPRICH - E GUET VERNETZTE RING

KICKSCH WÄLTBEKANNTI PROMMIS AA
WO D’FANSCHAAR YBERZYYGE KAA
S’AMT FYR WIRTSCHAFT (AWA) MAINT
E SEKTE - NAI WIRD KLAR VERNAIN

REKLAMIERE DUET NYT NITZE
S’ECO DUET DAAS UNTERSTITZE
ME WOTT E ZUESTAND NYT VERWANDLE
AIFACH ALLI GLIICH BEHANDLE

NAIMEDUURE MAINT DR MORIN NO
GNAU POLITWISSESCHAFTLIG GNO
NIMMSCH DIE ALLDÄÄGLIG SICHT DERZUE
HETS MIT SEKTE NYT MEE Z’TUE

DIE AINTE SAAGE S’ISCH E HOHN
E GSCHÄFT, E SICHT, E RELIGION?
DII MAINIG INTRESSIERT D’ROOTSHEEROLOOGE
IM AAHANG FINDSCH E FROOGEBOOGE

VYYL VERGNIEGE DOO DERBY
DOCH WIRSCH AM SCHLUSS AU SCHLAUER SYY?

VYYLI FROOGE WÄARDE BLYBE
PRO UND CONTRALAAGER SCHRYIBE

D’CHURCH OF ROOTSHEERE MAINT DERZUE
GLAUB AN D’FAASNACHT - DENN HESCH RUE!

Perseenligkaits-Tesch

Jo Nai

1. Machs Du gedanggelooosi Bemerkige oder Aaschuldigung, wo Dir spöter laid dien, zer Fasnacht?	☐	☐
2. Würdisch Du gärn aktiv als Fasnächtler mitmache?	☐	☐
3. Hesch Du no nie Fasnacht gmacht?	☐	☐
4. Beabsichtigsch Du jemols (wieder) Fasnacht z’mache?	☐	☐
5. Bekunnsch amigs es Zugge im Keerper, wenn d’Rootsheere Clique verbyylauft?	☐	☐
6. Würds Dr gfalle, wenn bi uns dörftsch Fasnacht mache?	☐	☐
7. Hesch freud an uffgestellte Fasnächtler?	☐	☐
8. Interessiert Di unser Cliquelääbe?	☐	☐
9. Wurds Di gluschte, bi uns yyne z’luege?	☐	☐

www.rootsheere.ch

Fasnacht 2016

Am Frytig und Samschtig, 19./20. Hornig, dien sich alli Junge Garde uff em Barfi vorstelle und hoffe uff vyyl Bsuecher und Jungi, wo Inträssi hän. (Frytig 13.30–17.00 Uhr, Samschtig 11.00–16.30 Uhr)

Wotsch bi uns mitmache? Denn kumm doch ans Yyschriebe, am Samschtig, 27. Hornig und 5. Merze, vom Zwei bis am Vieri in unserem Käller (Hebelstroos 11a). Mir freye-n-is uf di!

D Ladäärne-Uusstellig uff em Minschterplatz und d Waage- und Reggwisyte-Uusstellig bi dr Kasäärne sin vom Mäntig znacht bis am Mittwoch demoorge!

Drugg: blo.ch, Arlesheim